

白耆山人詩集

白奎山人詩目錄 卷十

五言絕

筇篹引

陌上桑

避亂徽山 二首

遇張廷見

至桓山與仲弟沽飲

至范山遇浙中故人 三首

邳州道中

自淮上至廟灣

自廟灣至海上

海上遇大風雨

二首

北沙道中

鄉居

聽磬

夜坐

農家樂 二首

暑中

醉後書友人扇賀新婚也 五首

宿州贈也安處士

贈廬陵歐陽其來

題鄭家口主人書室 五首

臨穎別戴掌石 五首

白奪山人詩 五言絕句

古沛閻爾梅古古氏著

筮篋引 一曰公無渡河

盡說風濤惡留君君强行中流時一看多少斷腸聲

陌上桑

采桑臨大路不動路旁塵少年莫輕薄此桑有主人

避亂微山

冬渡湖水寒鞭馬衝寒渡倘遇采薇人登山同一路

二

桑梓不啻人室家能果客悲風永夜來山齋掣霜碧

遇張廷見

諱龍沛縣人

棄家走異鄉已絕生還夢君自故鄉來相逢不相慟

至桓山與仲弟沽飲

山下有漁翁山中有酒帘共君何處醉移棹入霜兼

至范山遇浙中故人

蕭蕭一官輕三年泗亭墅泗水故多情君去爲君阻

二

家在越山南人在黃河北豈不願歸來風霜寒未得

三

居停得主人時時餽春酒四圍山水間漁艘繫烟柳

邳州道中

萬山深處行盡日無人影桔槔近石梁聲落山泉冷

自淮上至廟灣

澗河直東下滄海盡頭時扶桑行且到不恨日光遲

自廟灣至海上

海上山如粟晴開千萬處烟波不可分亂逐雲來去

海上遇大風雨

東走前無路扶餘一問津誰知風雨夜海外更愁人

二

一夜天風嘯蘆汀水夾餘艖舳千百隊浮入野人廬

北沙道中

不識黃河渡村中間一聲日落西風遠荒沙獨自行

鄉居

鄉居常閉戶偶爲故人開盡醉無他語幽窓一徑苔

聽蟬

溪林不知暑獨往聽蟬鳴雨過微涼出前溪秋水生

夜坐

雲霽星初皎銀河冷欲斜月明移竹影生出滿牆花

農家樂

農家不惜力早起斫田間耕罷呼酒來晴村看遠山

二

種秫釀新酒養蠶織新絲但願無饑寒不知有亂離

暑中

科頭臥北窓小閣靜無暑疎竹引微風夢迴疑秋雨

醉後書友人扇賀新婿也

金粉垂朱幙珊瑚繫素紉書閣閒無事湘籬種芷蘭

二

紅燈開竹院夜霜冷人衣潋潋歌舞處不逐明月歸

三

人作催粧詩都在兒女家我詩爲君成寒橘醉香車

四

漢時張京兆閨中學畫眉有眉畫不得冰影梅花枝

五

薦柑集友朋燭光隨少年江城夜已漲星色籠淡烟

宿州贈也安處士

睂與山川老衣隨薜荔寒讀書無簡擇常對菊花欄

贈廬陵歐陽其來

本是廬陵客
灘陽暫住家
逢君一杯醉
更與笑燈花

題鄭家口主人書室

牀上書千帙
牆陰竹十枝
何處笙簧奏
湘簾叫畫眉

二

斜雨垂花綠
秋空映午藍
高樓臨衛水
帆影接江南

三

主人常卧病
客到送迎稀
留我西風外
花香染葛衣

四

盆植江南卉
晴秋次第開
花淡籬不見時
有美人來

五

階下蒼苔繡青鞵
踏碎陰花多題欲
徧點着紫燈尋

臨穎別戴掌石

山陰道上人
乃作穎臯客
豈是酒相纏
君自醒不得

二

不逢君則已
逢君盡醉時
念我江海人不醉
將何之

三

世無阮步兵誰識嵇中散得意絕交書溪人看却淺

四

今日醉今日來年醉來年醒時欲何爲醉時殊自然

五

作客原不難難在客中主大家戀酒得推說阻風雨

白奪山人詩目錄

卷八

謝

七言絕

杏埏莊雜詠

十首

香城采菱

畢昭也張希魯索觀唐解元真蹟

二首

張理卿內兄七旬有二尚能夜飲贈之

二首

劉君固携琴見訪醉後贈之

四首

四時宮怨

四首

白奎山人詩集

卷八 目錄

桃花城輓辭

八首

稻香樓

六首

書采石準提庵

烏江浦

送李曾三還雲間

三首

野望

元宵與龔季升紀伯紫白仲調同用錢牧齋燈屏舊韻

七首

都門贈李條侯

四首

邯鄲冬夜周連三招飲與王仲升李桐菴分賦

七首

成安訪任爻六卽事

三首

題二祖庵

七首

冀臺許謁余裴村喜而贈之

二首

過張鄧村贈止庵和尚時止庵閉關余於關前叅之

二首

大名題計甫草鹿裘

三首

澹村題周闢夫荷亭

四首

贈蔣馭鹿

三首

爲靜明寺諸禪者說偈

十七首

題黃金峽三大士庵

二首

環珠寺

題張元操別業

十首

王穆如王衡之携妓招飲秦淮時同周吳昉許方來蔣

赤臣

過安慶寄懷浮山和尚

題余闕祠

過大通河望九華山

蕪湖弔黃將軍

天門山用太白舊韻

二首

牛渚山夜咏

二首

題采石山

觀陪葬諸臣有感

游莫愁湖

游祖山洞

微山偕黃九如張子坤觀禱鼎卿火營

書徐州楊子野齋中

岱山寒食

二首

遊龍駒嘴

爛柯山

東行過茅塚

夜宿盧家山

洞山爲宋司馬桓魋墓故名桓山

酌吳彼岸於山中

二首

游白雲洞

四首

廟灣卽事

二首

過宿遷

灞頭偕陸飛卿朱羽彤孫馨我周于和月夜泛舟

望抱嶺山

李玉韜冒雨至西莊志之

歸耿莊

客送春牛者

除夜歸西莊

李玉衡携酒西莊

過朱仁叅故居有感

五首

白塚題許翁竹亭

三首

李篤生初度

秋夕神僊林卽事

五首

題先賢仲虺祠

過豐縣飲李子璘瞿延表諸君齋次題之

寄懷周質含單臣素張仲升諸子皆昔年同游戲者

四首

題周質含村墅

二首

丘弘甫携酒汧且堂走筆贈之時同周質含夏仲文張

抱珍辛怡子

答王敬止

燕子樓和韻

三首

門人沈爾循携其子明俊葛隆見訪

二首

豐縣李湛六兩夜索詩題之

贈魏羽唐孫兒

二首

客馮爾常朱伯攷索詩

醉中題吳搏九草堂

八月十九日亡室忌辰哭兒墓祭作此志之

三首

重陽前六日張抱珍邀過孟子序菊園

二首

贈張抱珍草舍

游湖陵

七

寒食弔齊君平兼以焚地賻之

三首

野步

題董北苑真蹟

一首

湖上

符離橋

宿州

蘄縣題張園長草亭

題幻休和尚小像 三首

觀戲

過金壇弔李太青 三首

東浦看菊 二首

虎丘荅靈巖和尚

過靈岩不遇繼公作此志之

太倉過王文肅舊第 二首

虞山修禊 三首

秋夜題張勣存新園 五首

游楊州北湖有感 七首

廬州見傳奇有史閣部勤王一闕感而志之 二首

廬州贈歌兒 二首

過袁籜庵邸中聽吳飲

西林小飲

偶過劉子石齋中見虞美人花艷甚抱珍歌吳曲賞之

時偕昭也 三首

再題抱珍草室

端午張希曾招飲與張理卿郭屹如單仲昭同醉

三首

與張元式張抱珍王茂之集飲江微呂藥室時乙卯秋

分之後二日也

二首

飲心廸孫齋頭

初入廬山

九竒峯石門

法堂庵

香山花逕 三首

獅子厓

棲賢寺

三峽橋

題頓修方丈 三首

題蓮花洞齋中 四首

贈南昌萬大來 二首

雨後坐山亭觀水 二首

陳公載招飲盆浦與文燈巖吳用今同賦 二首

鐵船峯 五首

淨業堂

上霄峯

黃龍潭三月十五日有感 四首

蓮花庵 二首

清涼臺贈樽影初逕二禪師 五首

日照庵

廬山得王敬止手書答之

開先寺

漱玉潭

黃厓

二首

瀑布

二首

單臣素書來借夏鎮園亭將移家焉答之

三首

單子寄我圖書一方謝之

二首

題陶彥存別業

彥存偕頓修上人訪我黃龍潭遂畱宿焉贈之 三首

題遠公經臺 三首

九奇峯 二首

石門

陶靖節墓 四首

月夜訪周長孺於星渚

戲題歸宗寺方丈 二首

送鍾惠中還卅陽 三首

聞吳彼岸在和州寄之 二首

題簡寂觀古松

萬杉寺贈剖玉和尚 四首

題石門 二首

客有以惠泉酒見招者謝之

登鎖江樓望孤山

登小孤絕頂

觀瀑布寄懷單子 三首

南昌雜詠

四首

題三閭庵壁上

三首

子午汀題王竹庵書室

題子午汀僧舍

題孟傳是山莊

題準提庵

巴河哭先座師姚閣老

三首

登巴河文昌樓遠眺

一首

贈王克愚善醫

三首

題峒山招隱寺

訪鄒期仲於峒山

六首

中秋前一夜與廖長卿萬具岩慧愷上人橋上步月偶

成

二首

答王子雲訪西山隱者

三首

題漁村夕照圖瀟湘八景之一也

二首

登大梁鐵塔懷信陵君

題葵門

過羨里 二首

書馬莊史園中 六首

題馬人表膽廬兼示其子乳錢 三首

禹州重陽前一日楊嵩儲劉東里諸子携妓看菊 三首

重陽微雨題楊嵩儲齋中

月夜飲劉東里齋中卽事

雨中荅密縣令招飲

題朱憲之壁上 二首

贈八十歲僧孤樹

紅蕊山房 五首

白松 二首

超化砦送楊猶龍入蜀 二首

題東嶽道院

嵩陽三柏 三首

登封望箕山

法王寺 二首

嵩門

贈法王寺僧

爲三空說偈

戲題嵩山佛寺

送楊猶龍至少林再贈 三首

答少林送客者兼示涵宇和尚

戲書少林方丈

少林別諸送客者

飲登封栗傅兩孖旗處

傅啓佐齋中聽何仲端鼓琴

伏村雜詠 十五首

杜郎贈惟一內僧 三首

懷平烟水

看趙合浦金魚

合浦携園菓家釀至伏村酌余因答其意

甫園看桂花

木筆花

答伏村海棠之約

甫園尋僧

畫眉憶

三首

韓旋元子木叔姪携酒見訪燈下志之

二首

游雲巖

五首

風后頂

從具茨山西行至崆峒

戲題山寺

蘇敬伯卽席限字贈唱旦者

次夕又題

杜卽屋漏戲題

檜山堂贈梁曰晉

三首

西華贈張先誠居停

二首

彰德弔先房師呂公

四首

彭德王太守出其吳歌侑酒醉後贈之

題王太守東墅

書江載潤東莊

八首

山寺初歌

三首

書梁吟梁齋中

五首

素櫻齋雜詠

十一首

書平陸橋齋中兼酬張巫峯翔九岫嵐兄弟

十首

春夜飲張國昌藥肆

三首

題編容和尚手卷兼示弗波


送王半石之臨穎署篆

虞城冬夜與吳仲選王鱗書諸子集飲卽事 二首

城武李奇生言臘月接牡丹遂吟之 二首

乙卯十二月末旬立春余從西莊入飛雲橋觀之無所
謂春色也江西夏仲文吳門丘綬宜新安江徵呂及
吾沛張抱珍王茂之鄭天序王子厚諸子集飲卽事

白奔山人詩 七言絕句



古沛閣爾梅古古氏著

杏埏莊雜詠

微山湖繞漢臺鄉千頃荷花百里長
歲歲金堤開瓠子西林却掃杏埏莊

二

沙河烟壘障遙堤節候春寒綠未齊
底事隔村簫管弄垂楊綠路有鶯啼

三

叉手行吟意悄然松風一覺

音教

卽神仙花次第香無盡賒

入茅牕不費錢

四

華山峯隱澗橋南微雨新晴稍露尖適有故人工繪事登樓
隨意寫烟嵐

五

花飛幽院錦成堆雜卉連阡不用栽幾處村樓環野市東風

飄出酒帘來

六

拈花得句舞婆娑
醉後挑燈洗墨螺
嗜酒一杯詩一首
骰盆催板唱吳歌

七

芳草勻勻麥徑斜
踏青兒女掃茅芽
紅桃碧柳參差放
點綴中間白杏花

八

星海滄江萬里游歸來更上採蓮舟
青門瓜叟無名姓忌諱
人前說故侯

九

早歲狂歌晚歲僧
名山賞過幾千層
滄桑風景隨時幻
兀坐
荒林對一燈

十

甘蕉列種竹籬灣
帶鏡臨書窹綠班
晁苦家貧常匱米
閒栽
梨棗售人間

香城采菱

卽琴高舊宅在泗水中

芙蓉浚處鼓漁刀唱采菱歌奏管璫更有朱絃風外度滿天

明月訪琴高

單昭也張希曾索觀唐解元真蹟

昭也善畫

垆墻棘戶掩枳枿希有人來處士家欣賞六如詩畫卷灞橋
風雪落蓮花

二

城居不慣慣村居木葉霜天墜滿除醉向燈前搜骨董愁將

眼鏡考圖書

張理卿內兄七旬有二尚能夜飲贈之

竹影蕭蕭月影濛
追談往事淚沾襟
鬚鬆白髮猜枚噉不問
誰輸酒亂斟

二

悲歌極處卻成懽
雨雨風風幾萬端
閉戶經年誰共醉
逢君一飲輒更闌

劉君固携琴見訪醉後贈之

葛衣裂碎竦雙肩放鶴亭西六十年隨意鼓琴隨筆畫不從
人借買山錢

二 君固時病頭風

東風不上酒人頭帶病狂歌燕子樓和得香山詩四絕炎天
五月爽如秋

白樂天和關盼盼詩四首在燕子樓

三

挺寶鐵響應黃鸝執扇輕搖唱竹枝新曲向人翻舊譜野棠
花下有紅兒

君固談女郎善歌者云云

四

居停相好便移家口不言貧酒更賒欣賞青藤居士畫牡丹

濃處着梅花

徐天池花卉不論何種皆繪而爲一或謂時令不合答云旣謂之畫何必求真

四時宮怨

銀蒜金鉤永晝垂長門宮閉鎖蕤花開爛熳無人賞落得
殘紅滿院吹

二

龍皮寶扇注冰螺避暑君王洗影蛾

池名

水殿風涼絲竹攪不

知誰唱采菱歌

三

秋夕微霜露氣清
蕭蕭桐葉落無聲
花陰滿地氍毹軟
蟠坐空階看月明

四

繩河高素碧空寒
長夜熒熒燭淚殘
幾個官娃陪笑語
圍爐撥火到更闌

桃花城曉辭

金臺鐵井路茫茫千里秋帆引妙光七夕纔過星不見滿天
明月苦牛郎

二

月舞雲收萬色空蟾光莎樹碧玲瓏依稀仙子臨粧太花影
虛留寶鏡中

三

桺葉空山落一聲西風蕭瑟最關情夜來吹冷芙蓉帳寂寂
秋牕月獨明

廬州有桺山

四

共誰歡笑共誰愁
生死相憐二十秋
恰好歸來爭笛浦

浦在廬州

城內月明三滿忌辰迴

五

子夜歌沉響不還
六朝金粉一時刪
秦淮月落睂樓暗
此後

何人畫遠山

六

工書工畫復工文
何可粧臺失此君
愁殺仙魂招不返
優曇

花下禮慈雲

七

花滿江皋月滿船
琴聲纔好斷朱絃
陸郎不解情癡事
猶自題詩慰彥先

八

佳人難得是憐才
死尚書萬事灰
送到桃花城內太
銀屏金斗作香臺

銀屏金斗皆廬州南山

稻香樓

廬州西門外龔氏別業

城西曲水抱重岡突起紅樓署稻香香散荷萍淡處太一圍
烟霧攪垂楊

二

秧畦如繡水如鬟寫意樓臺創幾間把酒登梯天際看江雲
幾處冪青山

三

珠牕粉桷兩三層上下分懸百綵燈冠蓋滿堂歌舞艷中間
首座白鬚僧

四

幾段芙蓉繞畫樓
燈光亂爛碧城頭
主人不放美人去
三鼓還將風雨留

五

卸卻霓裳把玉觥
銀河西下鼓三更
籃輿停步迴頭看
一路紅燈水底行

六

蓮花踈繫采菱舟
土鼓嘲謔慶有秋
若作尋常金粉看
無人

題得稻香樓

書采石準提庵

峯腰劍結準提庵
乞我碑文勒石龕
歸卧船頭成腹稿
起來明月滿湘潭

烏江浦

陰陵道左困英雄
騅馬常嘶千里風
成敗何妨爭面目
不隨亭長渡江東

送李曾三還雲間

白平山人詩集

卷八

七言絕

鴻雁初高白露淒朝來策馬渡寒堤
留君惟有清秋竹搖曳
長廊不住啼

二

除茅築屋種菰苔籬菊年年手自栽
此去江東漆好夢花間
一醉一歸來

三

五載他鄉作故鄉臨行兒女暗商量
何時南去何時返記得
秋深月夜霜

野望

西風獵獵水潏潏
雲外歸鴻影響間
步出平林霜已老
絕無人跡祇青山

元宵與龔孝升紀伯紫白仲調同用錢牧齋燈屏舊韻
燈棚十里夜光斜
一半琉絲一半紗
自是燕山春色早
天寒正月放梨花

二

秦女湘娥雜亂猜
珊瑚樓上綠珠來
霓裳正在雲中舞
勒住

茅龍看幾迴

三

冰絳流光射碧天
鯨人泣抱海珠眠
琵琶連袂蹋歌去
爭似春江花月年

四

明光錦杼纈丹霞
多寶宮飛星漢砂
屏上美人妝束艷
猩紅衣剪佛桑花

五

八寶龍燈舞萬迴烟光率藥百花臺夜明簾挂通明殿燒海
仙童月下來

六

宮燈彫出萬年枝晶闕天開不用披羣玉仙人同醉去雲率
零落步虛辭

七

藜火高然太乙堂淵淵金石協宮商江南玉笛燕山笳對奏
天街作戰場

都門贈李條侯

金溝鑿破響冰輪
客老長安又一春
獨喜霜高天氣暖
許多名士祝生辰

二

聞爾高堂逾八旬
兩千餘里缺昏晨
須教負米霜天去
說是兒官薄俸薪

三

千金一擲等微塵
名動諸侯俠絕倫
莫把知非攻伯玉
猶爲

四十九年人

四

帽剪金貂帶綰銀青樓選伎酌虞賓月明霜湛紅燈繡酸殺
悲歌擊筑人

邯鄲冬夜周連三招飲與王仲升李桐庵分賦

蕭蕭客邸興闌刪步履荒臺眼界閒歲暮却愁歸雁早一行
飛過紫金山

二

名山無處不擔簦二十餘年苦行音去僧把酒觀音樓下看兒
童打瓦礫橋水

三

一盤冰藕出磁州撤去犀觥用瓦甌蠶殺平原公子客無端
請下美人頭

四

白首無家住酒杯太行山左問叢臺邯鄲可有叢臺否疑自
黃梁夢裏來

五

南鴻北鄉音去木聲乾醉擁狐裘敵夜寒馬跡車塵疲不動讓

他年少走長安

六

桑乾渡矣渡滹沱風外愁聞易水歌不遇邯鄲魯句踐霜天
誰敢叱荆軻

七

沁水環交滏水東西山簌簌幾林松行人莫笑邯鄲賈一擲

千金盜祖龍

成安訪任爻六卽事

春疇雨洗綠芊芊萬樹垂楊百井烟閒步踏青尋野味杏花
溪處摘榆錢

二

武安山脚接銅臺花近清明尚未開獨把一壺紅杏下漳南
人送韭黃來

臨章張虎變見惠餽酒故及之

三

三月寒生滿地霜
香貂裘敝野風涼
林梢橫露西山影
一片冰花積太行

題二祖庵

滏陽河南有庵卽慧可償債處

春烟飄蕩散平沙
隴上新苗綠影斜
游戲叅禪漳水外
神光庵裏看桃花

二

嵩山一夜雪埋腰
領取西來大意饒
我到磁東尋古塔
殘碑猶自紀梁朝

梁武帝製達磨行實碑剝落不可讀

三

語言文字總支離與汝安心亦是癡
鄴下妄傳償債事還愁不似少林時

四

桃花楊柳匝泥村樹樹枝頭帶水痕
此處何人能斷臂清齋枉費老沙門

五

金梨衣授起風波債不能償債更多
酒肆姪樓皆大意落花

無數滿漳河

六

萬里芒屨不肯停
楞伽四卷是何經
太行烟雨紛無數
隨我來參二祖庭

七

棒喝年來總是差
爭從庾嶺奪袈裟
滏陽河畔春風曉
不偈蘆花偈杏花

冀臺許謁余裴村喜而贈之

村在成安西二十里

筇杖新從五嶽迴
漳河北岸綠雲開
訪君何意君先訪
拾得桃花幾片來

二

三月東風帶曉寒
花飛不解是春殘
知君新自江南到
惠我瀟湘竹數竿

過張鄧村贈止庵和尚時止庵閉關余於關前泰之

空花飛盡一春閒
石佛橋陰好閉關
鐘磬悄然齋過午
白雲無數鎖青山

二

畚田一頃麥花香
鄴下新開選佛場
面壁莫嫌年歲久
因緣應自有神光

大名題計甫草鹿裘

騎山樓外月眉斜
歲暮霜高不見家
誰把江南春色寄
鹿皮裘上點梅花

二

燕山別去幾經秋
把臂天雄上酒樓
縱使無衣也須典
麕裘

何必減鸛裘

三

屏綃金粉蠟光環
華服熒熒烟豹斑
莫逐朔風吹落盡
南歸藏在鹿門山

澹村題周閣夫荷亭

大火昏中愁故城
窮交偏有許多情
葡萄架下風微細
吹散琵琶數百聲

二

人言臘月與炎天莫出門庭好醉眠寧知放意山川者到處
酣呼不論年

三

二十餘年歸未歸今年歸矣又依違蓮花溪處彈箏唱驟有
風寒刺葛衣

四

天正晴時忽起雲霏霏小雨濕羅裙當垆酒客爭移座出塞
饒歌隔院聞

贈蔣馭鹿

有引

晉陵蔣馭鹿爲鎮國公所知公歿後馭鹿念之不置
諸同社皆高其誼如睦夸之於崔司徒脂席之於孔
北海也士君子感遇詠懷鍾情在我其待死者若是
則其待生者可不問而知也余悲其意而咏之

玉河橋外立春風芳草無烟夕照紅欲訪丁威仙路杳青天
白鶴下遶東

二

鐵嶺金臺夢一場
朱門碧草影茫茫
西風吹散梁園客
獨有枚臯哭孝王

三

香山雲暗玉泉泥
寒食天陰綠樹低
掃墓人歸歌舞散
桃花紅似杜鵑啼

爲靜明寺諸禪者說偈

丈雪和尚

寶塔鈴敲貝葉寒
沔江秦嶺侍蒲團
牀頭飛雪千餘丈
祇作

紅爐一點看

二

聲光不動轉金輪
花苑花香撲繡茵
侍者報來齋午過
西堂鐘板碧無塵

三

普門開似未曾開
滿市紅塵透不來
看作尋常眠食好
莫愁風雨破蒼苔

懶石

無師枉自捉虛空百鳥欺人狎懶融不遇破頭山下客誰知
花外有春風

二

滿瓢沙子滿床風莫道無言響不同吸盡西江還用口小船
明月打龐翁

三

拈花微笑接天童百丈禪規片席中拂子依然呵不動歸來
落得一生聾

滿堂

川江橈子漢江鐔萬里西南破草鞵慙媿武侯祠畔客黃柑
兩樹乞僧齋

趙卓字居士

晴雲不掛出蠶叢一片花飛落漢中明日買船人萬里草堂
猶記沔溪東

二

椒花陰處佛桑開斗大茅茨四壁苔風雨滿牀人未起西鄰

居士點茶來

智白

閒從江上步招提辦得僧齋日正西風雨連山歸已莫一條
藤杖兩鞵泥

牧雨

讀書原不礙叅禪一帙楞伽坐九年了得語言文字障西來
大意六朝烟

二

朝烟夕雨幾時晴
漢水秦山護靜明
須得君來閒索句
不然鐘板絕無聲

三

拈花不是折花枝
棒喝因緣解者誰
莫道龍潭燈已滅
須教人想未燈時

完白

東風不掛一絲塵
半月江頭說淨因
解取無生三昧意
休教錯棒打山人

二

西川僧海却無僧，年少如君最上乘。
漫把袈裟拋庾嶺，原來行者不傳燈。

醉雲

瑟瑟春風冽似秋，
禪僧靜木魚收。
晴窗如洗雲閒度，
笑指瞿曇月滿樓。

二

醒卽空天醉卽雲，
噓噓花影落芬芬。
明朝我坐江船去，
四嶼

青山那是君

題黃金峽三大士庵

時有鄒鴻初送茶

江潮添雨萬山青
大士松堂倚翠屏
汲水煎茶香味好
黃金峽不減中泠

三

一層山折百層灣
江去江迴左右環
惟有松圍三大士
花香不動白雲間

環珠寺

攤書獨坐漢江樓
雨後天寒四月秋
不到萬山深處卧
都無人見水西流

題張元操別業

時同完白

此來原不爲尋花
花裏幽人第一家
憑借褒梁山色秀
亭池陰處說桑麻

二

一蹇千峯亂蹋開
我嶠瓦屋漫疑猜
嶠峻不比連雲棧
隨着神燈問路來

三

蜀山之北漢山南紫竹黃梨帶綠柑醉倒花前僧一笑不知
誰個是瞿曇

四

僧衣僧杖老山人潦倒西南十六春山水無窮題不盡七盤
關頂看星辰

五

山人容易作山僧居士居停得未曾春水半池花半畝茅房

深處一簾燈

六

園畦來去水縱橫
半種高粱半種秔
野寺何人能設酒
滿溪明月送淵明

七

烏龍江畔覓春風
茅屋花庵曲徑通
山外月明村外犬
隨他閒在稻田中

八

蒲桃一架接長藤公子移家謝五陵
藏得先人遺墨在一厨
全史十三經

九

負郭腴田對漢江花爲籬落石爲杠
老僧酣醉東風裏臨水題詩說姓龐

十

相逢萬里不須疑雨後花香風自吹
此夜感君惟有醉殘詩
錄盡又題詩

王穆如王衡之携妓招飲秦淮時同周吳昉許方來蔣
赤臣

春風習習畫船香絲竹秦淮引興長桃葉渡連邀笛步六朝
佳話屬王郎

過安慶寄懷浮山和尚

浮山在桐城縣東九十里和尚
卽方密之

大龍池左大江環下海重門第一關七十二峰何處辨擬從
三祖入浮山

題余闕祠

闕元之淮西宣慰使爲陳友諒所攻血戰自
勿追謚忠宣祠在安慶城東

樓船疾下水禽飛花浪渦漩太子磯死守七年經百戰孤軍
終不樹降旗

過大通河望九華山

在池州銅陵縣南四十里

江行無事且偷閒簫鼓秋村唱小蠻薄暮微醺橋上看半輪
新月九華山

蕪湖弔黃將軍

艤艦百隊鎖征雲帥纛風摧日色曛磯底靈螭吞戰血每逢
陰雨哭將軍

天門山用太白舊韻

太平府西南三十里

雙峰對峙闕門開
柁轉篷欹兩岸迴
飛鳥行雲追不上
中流飄出錦帆來

二

山根浪掃似撞鐘
一瞬船過越數峰
多有懸厓空曬網
漁郎來去不留踪

牛渚山夜咏

山在太平府北二十五里

江烟漠漠透松櫺
隔岸何人唱采菱
莫更然犀驚水恠
朱衣

紫馬現精靈

溫嶠事

二

羅袂微涼白露滋
松陰礙月小船移
江天寥落租傭墜
誰唱袁宏咏史詩

題采石山

在牛渚北一里

秋雲初霽水光澄
捉月樓前一派燈
追想謫仙當日事
錦袍游戲下金陵

李太白乘月着宮錦袍下金陵卽此

觀陪塋諸臣有感

翊運功高鐵券分山河帶礪胙元勲王侯十六皆陪塋賴國
何緣不賜墳

游莫愁湖

欲採芙蓉近晚秋微醺斜倚望江樓人生都向愁中老誰解
閒行問莫愁

游桓山洞

山在門前日日登小兒全不畏嶒嶸天高雪霽扶筇坐屐底
殘雲數十層

微山偕黃九如張子坤觀褚鼎卿火營

刺面霜風薄水田寒來同抱酒壺眠防山須用平安火夜半
峰頭列數千

書徐州楊子野齋中

牕紙風微響似呼霜天星隱月明孤旅愁惟仗杯中物除却
杯中一物無

倚山寒食

楊柳橋南杏苑西深林么眇囀黃鸝尋聲移酒花間笑無數

殘紅印馬蹄

二

山花爛熳少榆枌
河北河南兩路雲
我在人家墳上醉
不知誰醉我家墳

遊龍駒嘴

寒泉雙瀑萬山中
絕險纔過路又窮
樹外鶯啼深不見
花光涵得雨空濛

爛柯山

刺路荆榛石磴頑紛垂異草
嚙蒼斑頽牆曲折無門戶
借與東風任往還

東行過茅塚

荒風一路捲塵沙
水盡山窮那是家
裝得田間夫婦去
涼陰稠處說桑麻

夜宿盧家山一首

瓦破牕頽屋半間
西隣乞火夜炊還
渾衣不解橫刀坐
明月深林虎嘯山

洞山爲宋司馬桓魋墓故名桓山

誰將司馬姓爲山
生旣奸雄死更頑
埋骨九原愁未穩
多分疑塚証人間

酌吳彼岸於山中

覓酒村西杖掛錢
旗亭罽得活魚鮮
烹來持向山頭去
不管風波只醉眠

二

曉坐湖光夕坐烟
萬峰攢碧列牕前
誰知離亂逃名者
却與

溪山最有緣

游白雲洞

山在徐州城北

棠花垂壁石拳拳墨峪嶒嶸火不前行到山根休放步冥冥
砂澁卽丹泉

三

垂垂冰乳石皴香苔紐蟲痕墨篆涼何事道人嫌客屐當門
十尺壘橫牆

三

移家漸次隱東湖湖上烟巒不用租
廻首蒼茫風雨散山頭
共醉一人無

四

瀟瀟山雨晚來歸濕盡芒鞋與布衣
寄語僊房常住好年年
雲水笑人非

廟灣卽事

時在吳琬伯署中

歌妓官衙往歲稀春江花月六朝非
誰知海上芙蓉閣夜奏
霓裳舊舞衣

二

海城涼夜美人歌怨
簫無如客夢何
雨後東風明月綠吹來
偏是楚聲多

過宿遷

馬陵山外水沮洳
碧草叢沙百里餘
人影全無惟雁影
憑他
銜去幾行書

灞頭偕陸飛卿宋羽彤孫馨我周于和月夜泛舟

沙如螺繡水如鬟
古寺秋花結翠斑
月影西沉星更皎
颯颯

簫鼓下南灣

望抱犢山

斧劈單椒四不連
峰如初筴插青天
懸厓叫削登無路
好住凌空絕粒仙

李玉韜冒雨至西莊志之

雨衣百里犯風濤
相念無如李玉韜
百計彌縫都不應
圍樽竹下月明高

歸耿莊一首

家破人歸歲已殘湖侵平野闌風闌一園花木經霜盡餘得
空廊竹數竿

答送春牛者

簫鼓闐闐動四隣城中遣吏送新春鄉居不知春何處出向
東風問主人

除夜歸西莊

河南河北雪霏霏荒野鞭騾日夕饑直叩置堂呼夜酒莊人
驚道主人歸

李玉衡携酒西莊

新年花竹綴秋霜何處深培嫩韭黃
一自遭逢多難後誰人敢酌豹韋堂

過朱仁寢故居有感

共君騎馬醉長安會館挑燈每夜闌
三徑于今荒已盡我來猶作昔年看

二

蘭膏頻剪酒頻催作賦招魂句句哀
咫尺翻成千里夢當年

親故有誰來

三

飛飛花片打碁枰
畧似堂前賭酒聲
聽去猶疑音響在
如何細看不分明

四

踏碎橋冰臘月天
生芻一束醅黃泉
須教後輩欽前輩
不媿鄉評九十年

五

自是吾鄉舊典型
蟾蜍陰蝕老人星
交深無可爲君報
神道碑前草誌銘

白塚題許翁竹亭

吳貢玉蓋瑤池楊太和共飲

深林秋葉颯西風
一握曇標蔭竹桐
如此幽光誰領略
主人八十五年翁

二

松篁三畝貯秋烟
雜卉蕭蕭映綠天
地震山崩諸色改
獨留三徑與高年

三

歸來詩酒不曾閒或是花間或竹間喜得茅窓精墨海題他
白塚作黃山

李篤生初度

十一月十五

年衰游興頗闌刪狐首丘吟豹首山恰是一陽來復候逢君
生日我生還

秋夕神僊林卽事

時偕哭兒暨陳孔書何玉蟾孫襄臣
黃爾錫

閉卻柴關校典墳天時長短欲平分南林侈說神仙事更琢

新碑刻舊文

道士求林中碑記故云

二

拙檜長松接豆田
空林偃仰即神仙
道人賒得村醪暖
揮與碑文當酒錢

三

太嶽仙家鍊茯苓
精華幻出小兒形
悲予老矣何須此
學取中山醉不醒

四

寒蛩蟋蟀響無邊
月澹銀河碧落鮮
燭盡銷殘仍洗爵
西樓一摺撥三絃

五

滿輪秋月照澄潭
野曠星疎萬頃嵐
露冷歸房歌子夜
木瓜盆內磊黃柑

題先賢仲虺祠

虺沛人成湯左相祠在城南

昭陽靈澤溉枌榆
人物天開種種殊
恠說蕭曹傳相業
從前

商誥有萊朱

萊朱卽仲虺

過豐縣飲李子璿瞿廷表諸君齋次題之

環城綠水浸樓臺
珠履登堂錦障開
穀雨恰逢三月半
桃花深處酒人來

寄懷周質含單臣素張仲升諸子皆昔年同游戲者

春園紅綠未經秋
到處尋花插滿頭
今日何堪頭盡白
越教人憶昔年游

二

撥弄箏簫剪翠羅
無邊春色幾經過
西風一夜蘆笳慘
吹碎

江南玉樹歌

三

擊筑風流事宛然青樓白紵譜笙絃從遭離亂
雲冷不上歌臺二十年

四

當時絕不曉忙閒亭長臺西郢雪班數十年來如一夢
懷人愁殺泗南山

諸子皆善歌稱郢雪班

題周質含村墅

周田四際好平沙封絳封條爾世家謝邵公侯稱處士青門
種得召平瓜

周田在沛城西卽絳侯采地

二

牢騷不肯學龍鍾八十餘年課竹松海內交游名士徧堂簑
臨水看芙蓉

予題周子城中齋曰堂簑

丘弘甫携酒游且堂走筆贈之時同周質含夏仲文張
抱珍辛怡子

閒居竹下掃蒼苔村舍何人載酒來憶得江南三月裏山花

無數一時開

弘甫蘇州人

荅王敬止

時肇慶府卽古端州

蒼梧水繞七星坪萬樹桄榔翡翠鳴試問端溪三種硯選來

何種寄香城

端硯出高要縣羚羊峽凡三種

燕子樓和韻

有序

唐貞元中張尙書建封節度徐州有愛妓關盼盼善

歌舞尙書歿徐州舊第有小樓名燕子盼盼居其上

十餘年不嫁且作詩三首白樂天聞而和之又外贈

一首諷其不從尙書死也盼盼得詩泣下旬日不食
卒余故次其本韻刻之樓中樓在州城西北隅

空樓寂寂十經霜百事無歡懶下床每到春來常苦困秋來
苦醒夜偏長

盼詩云樓上殘燈伴曉霜獨眠人起合歡床相思一夜情
多少地角天涯不是長

二

初時美筆寫雲烟歲久魂銷意索然絲竹滿堂花滿目愁來

都不似當年

盼詩云北邙松栢鎖愁烟燕子樓中思悄然自埋劍履歌
塵散紅袖香銷一十年

三

相思一夜一千迴人在情中夢不來無限愁腸真似火幾時
燒斷得成灰

盼詩云纔看鴻雁岳陽迴又覩玄禽逼社來錦瑟瑤箏無
意緒任從蛛網任從灰

門人沈爾循携其子明俊葛隆見訪

屐杖霜銷五嶽塵
長征不顧有冬春
一朝游倦歸來暮
鷺酒歡逢問字人

二

雲橋璃井舊山河
地震星妖晚歲多
感慨風光無可問
重開三徑賞烟蘿

豐縣李湛六雨夜索詩題之

燈花炯炯戲春風
微雨霏霏響夜桐
猶有人來持赫音蹏音地

半酣題在錦屏東

贈魏羽唐孫兒

時僅十歲

十齡童子綠眉新走馬穿楊巧絕倫
看取和戎勲最早歌鍾應不減前人

二

鐵駟琇弓縱所如盤迴馳射蟻封虛
通家子弟多年少領袖無人敵魏舒

魏陽元善騎射晉王曰爲人中領袖

荅馮爾常朱伯改索詩

萬里歸來掃敝廬一秋常是竹中居
閒將燈火分兒輩不荅
時人半紙書

醉中題吳搏九草堂

垂楊深處畫樓生策蹇黃河古岸行
中酒連宵還中酒一樽
移過木香棚

八月十九日亡室忌辰哭兒墓祭作此志之

雙峰寂寂爽南樓樓上招魂隔素秋
尋到香城松栢下滿林
蟲語泣啾啾雙峯指七山華山

二

垂楊半老柏連阡。別南村二十年。姑舅墳旁承色笑，依稀風景似生前。

三

幽魂一去杳無期。樂府新增遠別離。此曲年年歌不斷，中秋五日雁來時。

重陽前六日張抱珍邀過孟子序菊園

鄉居無事掩籬笆。忽有人來問路斜。策得蹇驢何處去，西林

覓酒看黃花

二

伏村散步影徘徊曠野何人共酒杯偶集西園無坐次黃花
一半未曾開

贈張抱珍草舍

三十餘年事事非飛雲橋畔賞漁磯尋山萬里無親友擊筑
狂歌此布衣

游湖陵城

漢高帝初起攻湖陵卽此

海嶽周遭萬里還故鄉雲樹夢魂間春來踏雪湖陵寺遙見
鳬山接嶧山

二

誰將湖陸喚湖陵水落窪田麥萬脰亂後殘堤多寄塚猶隨
朔望禮神燈

三

曾讀漢史誦歌風千載無人嗣沛公記得湖陵方與戰山河
踈處想英雄方與城與湖陵接壤

四

洙洑分水向南來萬舳艫帆一曲廻嘉靖末年沙塞後鷄鳴
寂寂剩荒臺

五

烟水昭陽萬頃漈香城隱隱住琴仙我來閒訪紅魚事偏有
隣家認酒錢

六

河南河北幾重樓哭起層臺瓦一坵泗上雲飛還不定漁郎

閒看水東流

七

雪齋晴罷鬱松烟處處漁家補漏船
徧考殘碑無一字山人題句勒千年

寒食弔齊君平兼以堊地時之

春晴芳草綠芊芊榆柳英蕤半隴烟
正好踏青尋舊侶誰知長臥酒壚邊

二

風裊垂楊雨洗塵
花朝將近好尋春
揮鞭直過青帘下
不見當時貰酒人

三

方豚罌酒直千金
買我牛眠一畝林
便與孤兒文券去
時從墳次哭人琴

野步

平蕪小徑入村斜
五柳堤南問酒家
陶令不知何處去
滿籬秋色淡黃花

題董北苑真跡

疎林切石路層廻幾片閒雲點翠苔似有人烟尋不到橋陰
撐出小船來

二

深峰凸凹影離奇野水無邊怪石欹雲在山中山不見偶然
雲角現松籬

湖上

湖心幾處見垂楊但有風時八面香此際懷人何所似蘼蘼

秋水疊三章

符離橋

石橋零亂瓦樓殘
睢水東流下淺灘
試問項劉爭勝處
烟波無數血花寒

宿州

徐南風景最蒼涼
宿子城邊草更荒
偏是我來新雨後
山花村酒一齊香

蘄縣題張園長草亭

高堤環抱古蘄州
驅馬南來麥已秋
歇在槐花深處飯
滿天暑雨水東流

題幻休和尚小像

樽桑已過走崦嵫
海下魚蛟總未知
看着空花真面目
千峰絕頂笑嘻嘻

二

三身些子不爭差
問爾歸來那是家
解得恒河千萬劫
西風滿院獨拈花

三

花開花謝剖殘茵芥子須彌一往塵捧腹山頭全不認看來
可是本來人

觀戲

初夏風輕夜雨寒芙蓉五色綴琅玕逢人莫說詩文事請看
燈前綠牡丹

過金壇弔李太青

三首

幽幽村舍繞垂楊影在蘆灣僻處藏若有人來招隱士一田

秋雨稻花香

二

當時三次客金壇最苦今秋行路難
何似漁翁簑笠穩不愁
風雨自垂竿

三

戊寅秋老酒亭灣半夜悲歌送爾還
十八年來無一信扁舟
來訪顧龍山

東浦看菊

東浦在金壇城內

風香晚稻熟金沙萬里孤撐一丈槎
休問居停何處去且留
東寺看黃花

二

東浦東頭一問津
杈枒古樹結龍鱗
停舟快飽山僧餅
不再
江南覓主人

虎丘蒼靈巖和尙

春雪初晴坐講臺
千人石畔早梅開
尋花不識拈花意
辜負
山僧寄棒來

過靈巖不遇繼公作此志之

靈巖秀絕冠江南三十年餘更一參燈火乞來還滅去一生
終不到龍潭

太倉過王文肅舊第

婁江橋畔采芙蓉俯仰金華舊鼎鍾怪道主人常避客應慚
無淚哭神宗

二

子夜歌殘玉樹塵江南花月變金鱗孤帆直掛滄洲去不弔

烏衣巷裏人

虞山修禊

一半肩輿一半繩佳人裝素曳輕綾大家驚駭虞山寺酒肉
場中有此僧

二

青帘十里綠楊龕畫舸繩輿影在潭萬里歸來春色暮虞山
留得舊江南

三

東風習習野花香
翠牀珠鈿韻石塘
三月有三修襖罷美人
回首戀斜陽

秋夜題張勣存新園

水色經秋未染塵
簷簷踈落不曾勻
歸來萬里誰相識
竹巷南頭此故人

二

菜圃花樓共水陰
初晴天氣喜高吟
但將魚蟹逢秋醉
休問山人不死心

三

處處芙蓉夾白蓮
隨風上下小漁船
緣溪歌舞還歌舞
不是當時舊管絃

四

荒園深夜一燈青
犬吠陰陰透竹櫺
架上牙籤無舊史
參同新本附黃庭

時淮上多丹客故云

五

蚌瓦明窓竹萬竿
山人最喜四時寒
秋來饒有悲歌狀
詩裏

烟雲盡裏看

游楊州北湖有感

金柳魚塘百頃蓮遙峰巉巉大江烟自從看雪峨嵋去不醉

楊州二十年

楊州城北山亦號峨嵋

二

曲折青堤覆翠兼砲花城堞碎巖巖溪山絕不哀金粉楊柳
重栽掛酒帘

三

二十餘年聽子規
琉璃簾不向廣陵吹
懷君猶記山東夜
誦我楊州險韻詩

王貽上作楊州司理作此示之

四

芙蓉兩岸畫船迴
不管蕪城賦可哀
風雨連江多少恨
都隨二十四橋來

五

平山堂外補殘樓
六月花天氣欲秋
歌管女郎憔悴盡
纔知不是昔楊州

六

花間簫笛響蕨蕤雨後還如未雨時折取碧筒傳琰去天寧
寺左聽黃鸝

七

小院陰陰秋海棠柯枰敲處幾盆香耕樵殘破梅花嶺僅剩
迷樓對夕陽

廬州見傳奇有史閣部勤王一闕感而志之

元戎親帥五諸侯不肯西征據上游今夜廬州燈下見還疑

公未死楊州

二

繡鎧金鞍妃子裝興平一旅下河陽
猱公劒術無人曉驚道筵前舞大娘

此指高傑之婦卽李自成妻

廬州贈歌兒

水下紅絲月下姻風流無計可分身
誰知才子有天幸一首詩來三美人

二

一杯蒿酒一燈花月到中天不肯斜正苦西風隣北調忽聞
南曲奏琵琶

過袁籜庵郎中聽吳歛

秋風一闋譜朱絃協律兒郎列殿前創製新聲誰起調武皇
親詔李延年

西林小飲

東風微細麥田青
州繞松林似畫屏
幾個窮交爭置酒
午天
酣到滿河星

偶過劉子石齋中見虞美人花艷甚抱珍歌吳曲賞之
時偕昭也

種得階前無數春猩猩血散百枝勻楚歌悲壯吳歌艷愁殺
當時虞美人

二

花飛蠶月采桑遲那得閒人弄酒卮隨處生題隨手應不能
抄寫現成詩

三

疎懶鄉居偶入城清和天氣響流鶯花茵如繡琴書燦博得
吳騷唱到明

再題抱珍草堂

煮酒烹茶野色蒼悲歌留客事尋常憑他風雨時時換直把
茅村作醉鄉

端午張希曾招飲與張理卿郭屹如單仲昭同醉

柏林清寂謝炎威高臥閒看燕子飛忽有人來招飲去星河
西下不曾歸

二

空庭剪艾插端陽紫筍青藜雨後香農叟皆云豐歲兆酣歌
短夜夜偏長

三

當時泛棹北城村今喜書香有外孫每念世交琴酒事故人
零落最消魂

與張元式張抱珍王茂之集飲江微呂藥室時乙卯秋
分之後二日也

村居寂寂似深山夜讀挑燈不閉關偶向城中尋一醉清秋
明月稍偷閒

二

黃山客自有青囊又弄箏簫引鳳凰燭跋闌剛人半醉飛雲
橋上看秋光

飲心廸孫齋頭

時端午

年年客路過端陽獨有今年到故鄉得爾一杯沉醉去黃鸝
啼處野花香

初入廬山

潯陽彭蠡匯星辰山北山南好辟秦
不是桃花源內路何妨
說與外間人

九奇峰石門

鬼斧何年夜鑿開
當門一步卽懸厓
生成天險無人到
愁殺
山僧鐵草屨

法堂庵

花朝一雨接清明
借與山人半日晴
杖過法堂僧不見
滿林

都是畫眉聲

香山花逕

自佛手巖東抵大林寺數里皆是

山花開比外山遲但看東風一到時滿路皆香誰作主大林

三月囀黃鸝

二

不知名樹百千林步步風香數里深猜是何香無覓處落經
流水下西岑

三

無邊松竹兩行分
日色穿成錦繡文
此景非關人布得
映山

紅染一溪雲

映山紅卽杜鵑花

獅子厓

丹厓眉次古松肩
一尺墻深萬壑烟
家具滿床人不見
謝公堊上看江船

棲賢寺

百道寒泉夾路松
經堂盡日白雲封
聽經頑石頭皆點
吼碎當門獅子峯

三峽橋

橋下多怪石東坡歎爲奇絕

溪穿怪石雪皤皤百尺崖噴六月氷山裏生雲雲不定中間
坐箇木魚僧

題頓修方丈

夜雨尋花花不知香來一任曉風吹分開頓漸同歸太祇在
敲鐘謝響時

二

松風謾謾響難尋石破雲開宿雨沉坐到夜深燈再點廬南

又是一東林

三

適意山雲自太來
春風原不惹蒼苔
却須停待春風到
江上蘆花葉葉開

題蓮花洞齋中

黃給諫佳

樹有餘香澗有音
堆書千卷坐深林
明朝更太潯陽口
三隱爲誰共爾尋

二

風雨千山竹樹聲
烟雲鼓吹各生成
家居應笑無家者
十七年來萬里行

三

名山若個有藏書
竹閣松窓一石渠
客子無心尋得到
滿林花鳥恠籃輿

四

九江南壑石峻嶒
美竹千竿一老僧
總是人間無住處
都從山鬼借茅櫨

贈南昌萬大來

南州高士公其鄉近在東林社裏藏
携著短筇隨處嘯四山
開得野花香

二

山歌處處有樵漁尋到山中響又虛
無數江峯誰作主留人
僅得一匡廬

雨後坐山亭觀水

松樓夜雨似江湖曉起明珠綴綠蕉
秋色乍晴看不盡溪雲

猶在北山椒

二

西北塵沙頓不堪蕭然一羣下東南群山那得此風雨金石聲中霜滿潭

陳公載招飲湓浦與文燈巖吳用今同賦

無數江樓蔽草庵小牕花影護書函讀書人最嫌蕭瑟須有

琵琶奏浦南

湓浦卽白樂天作琵琶行處

二

千秋金石託文章
兩樹花開四岸香
香到水邊風引去
紅英吹得滿潯陽

鐵船峯 主僧三際

山深雨積竹烟平
一刻瀟瀟一刻晴
莫怪老僧功課懶
飛泉都是磬魚聲

二

携筇日日飯僧家
三月櫻桃處處花
春盡猶雲山氣冷
匡廬不賣雨前茶

三

山心山頂又山邊非樹非峯萬壑烟數日游來多少路回頭
還在大林前

四

天池佛手不難登俱是匡廬外一層如此幽深誰得到只留
風雨伴山僧

五

廬山無處不雲封一轉深林卽數重試問秦皇南狩太至今

誰上鉄船峯

淨業堂

山竒一瓦四圍松上下雲吹數萬重雨過泉新無靜響却疑
緣路打靈鐘

上霄峯

白雲光裏發青谿竹雨松風響不齊金石六朝無半字上霄
峯是武皇題

黃龍潭三月十五日有感

是日哭兒生辰憶之兼憶兒時兩人方在河南也

啼鵲無淚可留春記爾懸弧是此辰江上桃花三月半暮年
人想少年人

二

秦蜀周遭萬里餘陰天日日坐匡廬悲歌悞得人如此爾輩
何勞讀父書

三

豹韋堂下草重刪舊壘春深燕子還記恥生辰須一醉可曾
寒食掃微山

先考墓是時尚在微山

四

書香習習是家聲
吾愛吾家舊課程
三世趨庭今及汝
又將兄弟作師生

蓮花庵

巖杉籬竹響陰陰
相和泉聲似鼓琴
一路花間啼得好
山僧不識是何禽

二

夜來風雨亂金幢
曉起雲開竹一牕
最是匡廬多瀑布
閒漂

花影落長江

清涼臺贈搏影初逕二禪師

懸庵絕壁路無踪
康樂臺陰萬樹松
四際皆雲何所見
當廳一座鐵船峯

二

南游曾未到天臺
拾得寒山早北來
恰好清涼臺畔過
桃花洞底折黃梅

三

聞爾參禪海上歸兩條筇竹挂梨衣空山定有人來問坐看
東風燕子飛

四

萬瀑淙淙注石門山頭風雨落山根君家兄弟中間卧不見
繩床拂子痕

五

說戒談宗盡掃除澆花種竹水成渠白雲飛去蒲團外不讀
楞伽以後書

日照庵

卽太白讀書處所謂日照香爐生紫烟者

臘樹微紅曉露鮮
香爐峯下謁青蓮
無風何故風聲起
崑下雙飛馬尾泉

廬山得王敬止手書荅之

時在西寧

逃名已是十年餘
君自湟中遠寄書
此意可憐誰解道
滿天風雪下匡廬

開先寺

梁昭明太子讀書臺唐李煜改開先寺

陰森石徑古松幽
金碧莊嚴七佛樓
傳是昭明讀書處
滿林

紅葉鶴峯秋

漱玉潭

開先右百步卽黃厓瀑布之委

松啼霜吼石苔殘三級水花百尺潭
寶色滿山藏不住明珠飛下水晶盤

黃厓

環厓勾曲復崢嶸看太無多上百層
小洞穿樓風竹韻蒲團坐箇八旬僧

二

荆茅礙步筭與艱將到峯頭又轉灣瀑布沾人衣盡雨開窓
無數蠶南山

瀑布

記云廬山瀑布數十惟出自香爐峯者獨長乃真瀑布

香爐峯頭落氷花玉女拋梭匹練斜風雨初晴添夕照廬山
無處不光華

二

環穿松竹走銀漿跌落懸厓萬丈長聲到山根光四射漂紅
滿澗出鄱陽

單臣素書來借夏鎮園亭將移家焉答之

老友從來喜壯遊
家貧生出晚年愁
吾園適與洳河近
權作張融岸上舟

二

雙檜亭前竹石蒼
主人拋太十年荒
君能住得全家好
我便無家自不妨

二

我欲歸來不定年
君無住處我淒然
東籬所有惟君用
祇覩

他鄉缺酒錢

單子寄我圖書二方謝之

有引

癸酉客吳門偕單子謁先座師姚文毅公因得交文
初瑞初兩兄先師喜其所爲印章題其齋曰釵鼎閣
兼譽之文湛持相國徐勿齋太史楊維斗解元共賞
鑑焉今年坐匡廬單子又以圖書二方見寄古光穆
然老而愈工因憶先師月旦不誣且聞談長益云文
初遭禍幾死金陵瑞初自淮上歸以疾終嗟乎有是

哉慟吟二首寄之單子

老矣圖書手自鐫
釵頭鼎足寄江天
吳門學士曾相賞
記得崇禎癸酉年

二

君到吳門我寄書
星霜又隔十年餘
文初幾死還生去
不肯生還是瑞初

題陶彥存別業

長沙公廟食匡廬
栗里先生就此居
畱得子孫多處士
北牕

塵鎖舊籃輿

晉陶侃封長沙公

彥存偕頓修上人訪我黃龍潭遂畱宿焉贈之

我到山南麥始秋
君來山上火西流
家常飯飽同僧卧
晚課鐘清月滿樓

二

山間不與外間同
暑月深涼萬樹風
處處花開泉石響
讀書人在夜香中

三

山高石礪損
芒屨凍米醇
醪一擔偕對酌
僧房僧不厭
夜深方丈點
茶來

題遠公經臺

大林峯頂石
烟寒寶樹新
晴葉葉丹轉
到講經臺上
去鎖江樓作
一拳看

二

蹣跚趺坐講
經臺各色花
從亂水開水
外有山山不
盡白雲疎處
大江來

三

精靈腰股復癡頑周鼎商彝翡翠斑可惜遠公常戒酒徒將

茶栗苦青山

經臺石狀靈異故云

九奇峯

峯餘山外壓空烟峭壁曾無北半天石壘絕巔風欲墜老僧

庵在樹梢懸

二

絕壁無踪不可攀石苔文似豹花斑老僧移得林泉活一窠

南山接北山

石門

焦嶠孤嶺一痕烟
惟石凌空大壑漩
七十老僧山不下
花香

浮出白雲巔

僧號巨拙

陶靖節墓

廬山西麓老松楸
處士星高此一丘
碑碣當頭題晉字
其餘何事不千秋

二

柴桑橋近谷簾泉正寢元嘉第四年仰止高山何處是一壺
村酒滴荒阡

三

一代行藏一代新遭逢恨不及先民寄奴猶帶英雄意容得
柴桑舊酒人

四

中原人各有東籬我有東籬徑太之寄語北牕高卧者如今
不是未初時

月夜訪周長孺於星渚

借查天球

滿江明月一舟閒
祇見江光不見山
夜靜竹竿聲徙徙
魚骨藏在影風灣

戲題歸宗寺方丈

山麓青松四際陰
六朝金碧舊禪林
層層琉殿霜塵鎖
鐘板無聲落葉深

二

居士頭陀不二因
黃金布地已成塵
歸宗寺在宗安往
水冷

鵝池舊主人

記稱寺是右軍舊宅鵝池其臨帖處

送鍾惠中還丹陽

丹陽不住住潯關前歲秋來今夏還
莫道臨行無一語贈君樓外一廬山

二

惟有山川最喜貧游山宜冷不宜春
一聲啼鳥春歸去落得柴桑酒笑人

三

江上茅房不甚勻，灣灣商舶集如鱗。
客中無日無風雨，今日初晴送故人。

聞吳彼岸在和州寄之

十七年來一瞬過，當時期許近如何。
懷君無可爲君贈，五老峯頭獨放歌。

二

秋夜悲歌去耿莊，初心如火漸如霜。
誰能牖下平安虎，辜負天涯山水香。

耿莊余別業彼岸館焉

題簡寂觀古松

陸靜修謚簡寂

木客通靈幻爪鱗
青牛五色壽千春
匡廬僧喜栽茶賣
笑殺山南陸道人

萬杉寺贈剖玉和尚

寺在開先寺後卽唐慶雲院宋時改今名

玉京山畔木魚香
景德年間選佛場
掃去殘杉無片葉
新栽龍樹結茅房

二

天童枝葉蔭廬南
夜鼓晨鐘百八叅
持鉢開堂家具少
佛桑

花裏拜優曇

剖玉是牧雲弟子天童孫也

三

當時說法住焦山海市驚人一輩還嘗着廬山鹽醬好白雲
忙處畧偷閒

四

金坊石柱剝稜稜七百餘年夜續燈厓石慶嵐題得古龍圖
原是再來僧

寺有龍虎慶嵐四大字傳爲包龍圖筆

題石門

惟樹奇峯畫不勻總然畫出亦難皴焚香寂坐無山鬼虎豹
閒爲護法人 石門多虎故云

二

萬壑全收響石門不勞鐘鼓課晨昏江南客有尋花癖豆瓣
黃楊掘數盆

客有以惠泉酒見招者謝之

廬山那得惠泉香折簡招尋處士嘗畢竟江南人作主歸來
終不謝柴桑

登鎖江樓望孤山

岷江東下楚江灣
彭蠡鄱湖不閉關
放去滄洲容易盡
甯心一柱小孤山

登小孤絕頂

八面風濤日夜噴
空中樓閣駭無根
孤山截得岷山住
萬里長江一捍門

觀瀑布寄懷單子

臣素先生晚更貧
蕭條六十有餘春
懷君不獨愁君老
愁我

明年亦六旬

二

筆底烟雲不送窮飛來瀑布滿山空
先君門下江湖客六十餘年一夢中

三

山游不定幾年歸雨後閒看瀑布飛
一匹冰綃三百丈寄君裁作水田衣

南昌雜詠

鯨鐘鼉鼓震南州江上帆開十二樓飛向匡廬山下去老人
閒嘯五峯頭

二

曉露風香茉莉鮮花盆五采贛州船賣花人依樓船醉自笑
金絲絕品烟

三

天上繩河不似繩星沉牛斗劍光澄移來孤影花間坐明月
當頭一盞燈

四

江平月霽影鱗鱗
蘆荻風來花氣勻
萬派魚龍吹浪走
船頭
睡殺主更人

題三間庵壁上

風帆斜挂武昌城
岸外秧歌不喜晴
無賴多年三大士
臨江
寂寂聽潮聲

二

磬無椎子板無鍾
曉得松庵不曉松
江上龍舟纔一放
大家

齊唱采芙蓉

僧字松曉

三

西北江來抱此龕
烟波隨我下江南
一樽近在寒溪寺
仙棗亭陰較手談

子午汀題王竹庵書室

諱源昌乙丑進士

青螺一粒水中間
多少人忙爾獨閒
八月長江晴色遠
曇標正午對樊山

題子午汀僧舍

水外山藍水底青烟光四面接荷萍老僧住此非塵市飽得
楞嚴一卷經

題孟傳是山莊

獅子峯前百種花香霏雨後滿田家芙蓉隨着秋溪轉一帶
青山似若邪

題準提庵

粉堞冰橋入畫圖準提庵賞博山爐遠公心喜陶居士不僅
烹茶待酒徒

巴河哭先座師姚閣老

諱明恭已未進士蘄水縣人

神宗皇帝選蛾眉先帝經筵拜少師今日登堂人不見江邊
畱得梓童祠

二

燒罷香燈淚未收階前荅拜一蒼頭

先師無子故云

可憐千里長江

月空照文昌帝子樓

三

巴橋水暗影堂平一句哀祠哭一聲說與楚江人莫恠老僧

原是舊門生

登巴河文昌樓遠眺二首

黃柑臨水照芙蓉影列江南數萬峯
閣外斜陽看不盡西山絕頂一林松

二

江皋野綠稻田新白雉峯連五卦
畛橋下文成巴字水不知誰是造書人

贈王克愚善醫

鬚白瞳青酒內蹲自言采藥老崑崙無名姓且無居止日日
杯湖貰一樽

杯湖在樊山下

二

水濶山荒四野秋漁家蓮子共鷄頭尋常飯有菱花菜博得
壺公藥半甌

三

秋蚊夜夜打山房天外星辰水底涼一滴仙池纔飲半回頭
忽已失長桑

題峒山招隱寺

菱芡秋香綠草灣
魚村小櫂采中間
邀僧閒眺芭蕉嶺
山外長江江外山

訪鄔期仲於峒山

諱明昌丁丑進士不仕

山邊秋水荻邊蘆
烟雨輕綃四望虛
一握小船來去穩
半艖菱角半艖魚

二

棹入樊湖九十灣
雲開隨處有青山
家家都以漁爲業
蘆荻

不多樵者閒

三

一灣繞過一灣遮近岸垂楊遠岸花休問烟波來去路漁郎

原不識仙家

四

水聲無際又山聲枯柳寒蟬瑟瑟鳴船小蘆深山不見檣歌

搖山月初橫

五

沙汀荻港碎如門半似蓮花半似村醉後不知光幾處凍山
纔是月明根

六

萬頃波心一盞燈金霞回射影層層滿天星斗沉沉夜課誦
猶聞百歲僧

中秋前一夜與廖長卿萬具岩慧愷上人橋上步月偶
成

輕挑琴劍山江頭偶爲山人駐酒樓晴月滿天橋上步纔知

明夜又中秋

二

普慧庵前月一輪秋風不動夜如春聽君三十年來話江上

漁樵剩幾人

時長卿談楚中遺事甚悉故及之

答王子雲訪西山隱者

白雲山外荻花畝結夏江干衲子貧客老秋深相見晚漁郎
不識武陵人

二

一花黃葵襯竹籬秋涼僧午閉門時扇頭題得西山色敲碎
木魚僧不知

三

頭白何須更問年前時風雨此時烟與君約在東林社漉酒
柴桑斲白蓮

題漁村夕照圖瀟湘八景之一也

屈平顛顚楚江邊賈子懷沙亦左遷何似風波安穩處垂楊
村裏歇漁船

二

晴波涵得碧天長
山閣陰陰竹樹涼
携去此圖隨地看
人間纔有活瀟湘

登大梁鐵塔懷信陵君

鐵塔雲浮十二層
葵山衰草結嚴冰
英雄無過高皇帝
特過陳留祀信陵

題葵門一首

河決東京萬戶哀
城頭僅剩一繁臺
不須憑吊梁園客
策蹇

侯麻墓上來

過羨里 在湯陰城北卽文王演易處

沙野方臺碧樹深
鶴山泉繞蕩溪陰
西樓靜坐蟬聲繹
似是

拘幽一操琴 湯陰卽古蕩陰

二

寂寂松門午磬敲
停車散步紫林坳
螭碑一部全周易
演得

明夷第幾爻

書馬菜史園中

茶史先生不苦貧一園花竹四時春
閒來寫箇笙簫譜野外黃鸝是解人

二

茶史先生屋草殘兔葵瞿麥竹欄干
花開花落憑花意不用澆鋤拄杖看

三

茶史先生醉菊花自然籬落傲陶家
病來那得籃輿卧數尺櫻榴掉脚拏

四

芥史先生夜鼓琴祇傳徽節不傳音
余來催爾高山曲莫聽
猗蘭改素心

五

芥史先生酒不閒時時風雨坐花間
兒童來問君何指五月
奇雲處處山

六

芥史先生絕善愁十年心事野人謀
朱明時節霜無賴蕉綠

桐青一曉秋

題馬人表膽廬悲示其子乳錢

公爲淮安司理

彭城萬子說當時誰殺誰生兩不知
試把膽廬雙字看齋名
題得有鬚眉

二

滿庭冰色照虛牕我到君家影不雙
欲續招魂何處是東樓
明月下湘江
杞縣卽東樓公故封

三

人皆殺我君生我今我生來君九泉兩地相憐不相識登堂
聊復說前緣時有挾讐誣予者得公解釋故及之

禹州重陽前一日楊嵩儲劉東里諸子携伎看菊

秋雲陰得滿城香不問何花總是黃祇恐明朝風雨失先來
僧舍覓重陽

二

潁川橋上踏青泥山北山南影未齊欲雨欲晴烟澹澹寒沙
響出白雲西

三

梓童秋閣雨三層初有江南綠鬢僧未許老禪輕棒喝便疑

紅雪是摩登

紅雪禹州妓

重陽微雨題楊嵩儲齋中

濛濛夜雨浸東籬曉看黃花放幾枝樓閣滿城都不見三峯
勻山遠山眉

月夜飲劉東里齋中卽事

邊關樂府唱伊州花下歸來月滿樓自是侯門秋怨譜騷人

題作打丫頭

禹州舊有王府其妓人戲爲新曲曰打丫頭

雨中答密縣令招飲

十日秋山半日晴
看山風雨又來爭
感君招飲衝泥去
僧舍黃花不放行

題朱憲之壁上

牕臨無地向東開
水鳥低飛竹似苔
縣令亦疑風雨色
一叢車馬上山來

二

花樓竹圃亂雲峰
漆洧沙環數百重
走到懸厓停不得
便拋烟雨挂長松

贈八十歲僧孤樹

風雨連床百歲僧
當門隋塔十三層
西來偈歇人歸去
明月中天代作燈

紅蕊山房

紅蕊妓名

曲巷風微若有人
苧蘿紗影四時春
病來羞向空潭照
惹得東家悞效顰

二

竹桂離離影畫樓
美人家住井南頭
琴歌虛在山腰轉
落到雲根便不留

三

美人名士兩無雙
賭酒爭拳不肯降
子夜一聲山月小
猶疑燈影破南牕

四

青青竹圃蔭秋蘭
魚睡鷗驚碧澗寒
此文琴樽非楚夢
他年

祇作酒壚看

五

看花無數看燈花燒作春牕
半夜霞我自題詩牆上去人言
曾到美人家

白松

踈踈枝幹裊秋空山澤之腥屬此翁
呼醒華陽居士夢閒來
石上枕松風

二

山水精華別有光
姪東嘉并好文章
高人本色經寒茂
首夏

清和百尺霜

密縣卽古姪國

超化砦送楊猶龍入蜀

超化寺隋開皇年間創寺有南塔今存一

開皇塔影侍烟鬟
祖道張燈洧水灣
歌舞夜深聯句好
借他明月送青山

二

金華潭側布離筵
嵩渚巴江萬里懸
賓佐滿堂悲蜀道
不知君是上青天

金華潭卽洧源在超化砦東

題東嶽道院

滿樓風雪上元時
炙酒彈琴夜贈詩
今日敲門無所見
櫻桃

一樹嘯黃鸝

嵩陽三柏

相傳爲漢武帝所封

蠻貝龍鍾玳瑁鱗
荒天初破老星辰
嵩山少室梅花座
俱是
羲皇以上人

二

菌蠢芝趺靺鞨光
龜鬚鼎腹茁雷娘
金仙入定無年歲
風雨

葳蕤指爪香

三

分野三星屬豫州君家兄弟古諸侯經過七十餘封禪漢以前時早白頭

登封望箕山

嵩雲環抱古陽城南望箕山一字橫我欲携瓢過潁上怪他巢許亂爭名

法王寺

神光初說法處在嵩山之南腰

羣峰如巖寺中央
慧可禪師舊道場
憑著語言文字勢
一林山鬼咤空王

二

東州何處有金裝
當面提婆認識差
一自安心安不得
蓮花分碎是蘆花

嵩門 嵩山東頂有凹月光乘之俗呼嵩門待月

凹然一竇白雲窺
千仞峰開玉柱危
記取下弦明月細
嵩山今夜似峩峩
玉柱峯在松門南

贈法王寺僧

嵩高遮日影常陰
樵逕微茫不可尋
虎嘯千山僧一個
時當小滿種林檎

爲三空說偈

慧安枝江人嵩嶽寺開山僧也黃梅弟子

偶爾爲僧可是僧
枝江座下不傳燈
南宗自向曹溪去
莫惹嵩山棒慧能

戲題嵩山佛寺

卽袁珙相道衍處

嵩山溪靜好投輪
道衍藏修絕勝因
一出封侯阿嫂怪
纔知

不是本來人

送楊猶龍至少林再贈

疲驢策向少林西
鐘板無聲虎豹啼
今夜明朝人萬里
半輪斜月五峯低

二

公矣山風瑟瑟寒
驪歌花露濕闌干
月明西下花光映
鴈著魚鳬道上看

三

東風携酒百花潭朱黻銀瓜上武擔遙想峩眉天半影初秋
新月挂西南百花潭卽浣花溪武擔山在蜀城北

答少林送客者兼示涵宇和尙

險路當于絕處行貝多花裏鷓鴣聲十年誰是傳燈者今日
從頭問姓名

戲書少林方丈

余舊有北朝金布無雙寺東土花開第一僧之句楊猶龍書之方丈故云

往者元宵雪夜時祖堂東壁漫題詩今來方伯誇詩好寫與
山僧知不知

少林別諸送客者

畫眉晨叫翠微間
江海人從少室還
輿馬幾行分路去
一齊招手別嵩山

飲登封栗傅兩孝廉處

不問人從何處來
一尊逕上白雲隈
殘碑古字埋荆枳
牧豎樵兒影響猜

傳啟佐齋中聽何仲端鼓琴

平沙一拍坐荒苔
五月深山雁下來
半夜縹笙吹未了
朱絃

已到廣陵回

伏村雜詠 伏村地名卽以呼梁

一策青騾到伏村
主人高臥掩松門
但憑花謝花開意
不掃堦前夜雨痕

二

走馬張弓憶少年
封侯無地且歸田
芭蕉夜雨清晨綠
註得孫吳第幾篇

三

信口悲歌信筆書
雨來桑野漚成渠
四松堂下無人到
黃鳥青蛙伴起居

四

九節瓊簫子晉傳
山雲佳處起江烟
憑君醉倒花深處
始信彈琴不借絃

五

樂此何嘗更說疲
一杯村酒萬行詩
兒童笑問青山主
相伴漁樵是幾時

六

不可冠裳不可僧傳燈最好却無燈
甕頭澆活菩提樹半夜
袈裟擲慧能

七

結夏何曾覓草庵雲門曹洞路旁叅
杜郎花事誰經管居士
梁生第十三

八

歲歲他鄉看牡丹自家松菊任彫殘
秋來更製關山月譜入

雷琴一再彈

九

五嶽荒巉路不平
茫嶮伏臘儘經營
夜來新霽花香醒
釣起湘簾月正明

十

丹粒何曾了百年
徒能白髮不能仙
東林多少閒居士
惟有攢眉一箇禪

十一

哭卽無聲笑有聲男兒能死乃能生山東霜雪河南雨夜短
愁多說到明

十二

從來空谷有奇人却笑漁郎認不真松樹四拳無歲月一聲
鷄犬是先秦

十三

黃鸝何事五更哀風雨敲窗不住催又是啼鵲叫歸去十餘
年恨一齊來

十四

鹿豕埋名老布衣不能趺坐不能歸
君家園內題黃鳥南樹
笙歌北樹飛

十五

荷花宜雨不宜晴
水平池不肯生
便是麥收無一斗也須
斟酒聽鸚鵡聲

杜郎贈惟一內僧

僧燕京人

去秋風雨蓼花殘
今我來時正月寒
遇著方袍人一箇
那陵

道上說長安

二

一簾松雨濕梅花十載蒲團那是家
我亦久從烟外老與君分補舊袈裟

三

屈指今春十五春他鄉誰識故鄉人
休疑行腳無名姓到處山川記得真

懷平烟水一首

忽憶幽人住陸橋科頭白眼讀離騷三間草屋無牆鎖一手
督魚一手樵

看趙合浦金魚

路北園亭接路南秋畔春卉影魚潭潭中瑋琬鱗如畫搖尾
青天滴翠嵐

合浦携園菜家釀至伏村酌余因答其意

菓酒携來一擔輕隨多隨少故人情留君花露枝枝醉河漢
西沉北斗橫

甫園看桂花

伏村東下杜郎西八月清晨看水犀
日夕便隨風雨去滿園金粟踏香泥

木筆花

卽玉蘭

東風獨爲主人偏五月鄴陵早放蓮
到處湖山題跋盡更搖木筆寫青天

答伏村海棠之約

折簡相期醉海棠梨花西府滿庭妝
釵鈿結束東風早不待

春殘更闌香

甫園尋僧

雨後尋僧月下歸
花陰如繡白松微
觀音閣上一燈小
天漢沉沉鳥自飛

畫眉憶

伏村畜一畫眉甚慧
乃西山女郎紅蕊寄贈者
余偶得方竹籠中
轉畫眉之句
緣客到未成也
無何畫眉病逝
余再過則寂寂虛籠耳
遂成三絕

放却紅梅放素梔花陰那得有閒時門關寂寂無人到方竹
籠中囀畫眉

二

方竹籠中囀畫眉畫眉聲散竹籠悲如今綠上芭蕉影明月
虛牕又幾枝

三

明月虛牕又幾枝美人花下淡相思去年春與今年老多少
鶯兒學畫眉

韓旆元子木叔姪携酒見訪燈下誌之

姓名隨處使人猜誰肯花間載酒來
醉到天明眠不得黃鸝又叫兩三杯

二

河南春夏又冬春日日悲歌似楚人
初伏短宵明月快黃昏一盞到清晨

游雲巖 在密縣之東卽大隗

嶠嶠層岡曲折深幽人家在萬峰陰
不逢居士閒相引松閣

流泉那處尋

二

沙田麥阜各成章
駢馬霜厓夕草涼
巔脊雲荒人不到
山南松墓幾蹄羊

三

古洞巒寒石葉踈
淙淙山澗走山魚
尋過東壁雲移影
瀑布源頭蒼頡書

四

土鏃如鐵石牙曉鑿穴崩崖上下銜松柏離奇難得大垂垂
青碧罩虛崑

五

地底靈泉響衆山松亭碑巖跌花灣携來桑落徐徐飲虎嘯
西風月夜還

風后頂

在大隗東南新鄭縣界上最高卽黃帝夢卜四
相之一

大鴻峯在溱源西插笋青天萬岫低嵩少來雲都挂住灣灣
活水叫黃鸝

從具茨山西行至崆峒

具茨卽黃帝見大隗處崆峒卽黃帝問廣成子處俗名逍遙觀

具茨西接古崆峒處處僊人結紫宮秦皇漢武生來晚先把神芝付有熊

戲題山寺

龍門百尺此青桐布與祇園造大雄秋色滿山金碧冷鬚眉羅漢笑其中

蘓敬伯卽席限字贈唱且者

中秋初霽月初明數點微雲不老成似欲飛來簫管內四邊

催出美人聲

次夕又題

一時風雨一時塵舊譜殘妝剝換新明月西沉歌舞散來朝
金粉又何人

杜郎屋漏戲題

蕉葉臨書種一村秋來新綠匝松門不知風雨爭先寫滿壁
蕭蕭屋漏痕

檜山堂贈梁曰晉

沙路層層野樹蒼
鞭驢呼酒檜山堂
東園竹石吹新雨
不問何花滿路香

二

與君曾共少林游
初祖庵前雪未收
松杪鷓鴣啼不斷
千山明月一時秋

三

雙檜亭亭陰畫欄
溪花仄徑暑天寒
樓頭雲氣來嵩少
一抹空同雨後看

西華贈張先誠居停 先誠之子廣居余門人

臘月梅開未盡開東風微雨綻荒臺一枝誰折秋瓶裏燭焰
微香自忒來

二

竹水陰陰石徑斜行來隨處有梅花六朝金粉休相妬王謝
堂前第幾家

彰德弓先房師呂公 諱化舜字治五戊辰進士安陽人

崇禎三載侍宮牆四十年來一夢荒終是懷人心不死炙雞

千里到安陽

二

辛荳花放放桃花洹水橋陰一片沙未負子雲墳上土今來
猶自忝侯芭

三

霜天追憶戊寅秋把酒談兵光嶽樓
東昌府鼓樓也時公爲太守余謁之故云
十二年人不見羊曇何處哭西州

四

黃華山頂亂雲開
木拱荒墳楚些去哀爲問三閭門下士
離騷讀碎幾人來

彭德王太守出其吳歌侑酒醉後贈之

春風吹客上銅臺
三月桃花萬樹開
唱得牡丹亭一齣
美人驚起夢中來

題王太守東墅

紫苑新栽綠卉香
圖書灘滿鬱金牀
風流不肯營私第
俗殺韓公畫錦堂
韓稚圭畫錦堂在郡城內

書江載渭東莊

村柳蕭疎碧荻深
平蕪小徑踏泥陰
虛樓門閉無人到
隣舍黃花獨自尋

二

風氣微寒一曉晴
小樓南院菊蕤英
主人延客愁沽酒
現釀明流對解醒

明流河南酒名

三

葉落青桐綴綠瓢
蓮房十畝水平橋
西隣送得黃河蟹
煮向

花前用酒澆

四

一渡黃河半太秋
荒陂多是火殘樓
虞城道上籬花綻
戀着茱萸不待留

五

高秋雨霽朔風寒
架上瓜茄一夜乾
獨木小橋扶杖過
梧桐明月影闌干

六

七言絕

河北河南心事勞居停款客有醅醖西風不肖催黃葉來雁
一行雲外高

醅醖酒名河南山東皆用之

七

樓陰處處種黃花未有人知處士家過客燈前時一醉明朝
風雪走天涯

八

秋老雲閒滿地霜孤飛鴻雁不成行江天萬里緣何事一夜
風吹晚稻香

山詩初歌

四面蕭蕭土築牆無龜無砌一燈光西風初與人相醉暑夜
何如秋夜長

二

白雲高不及嵩山山末晴霞獨自閒遙把一樽相對酌不知
風雨在中間

三

酒設山亭客不齊街高石滑阻潑泥僧寮獨酌銓新雨一樹

黃花一箇題

書梁吟梁齋中

東風一夜響疎梧
吹碎庭花第幾株
水滿魚缸隨處溜
曉來荷葉盡明珠

二

打麥南塲滌宿塵
榴花桐葉露勻勻
杜郎三次街心水
風雨相隨是故人

伏村云先生三次過杜郎輒大風雨豈風雨先生之故人耶故云

三

梧桐小花瓦三間雨後苔紋碎碎斑
痛飲讀騷門閉住西園
花下卽深山

四

池水冷冷綠葉光荷盤珠走趯風香連陰
天氣芙蓉醉妬殺
南隣秋海棠

五

刻盡蘭膏下五更
啼鷄林鳥漸催聲
隨他星斗沉沉散來夜

初三月又明

素櫻齋雜詠

薇花堆繡嫩如烟茉莉勻勻翡翠錢誰把荷缸移樹底石榴
枝上吐青蓮

二

南苑花隣北苑僧牀依鐘板挂金繩主人修得祇園行個個
蒲團樹一燈

三

秦村岡上夏雲停蘋葉胡桃樹樹青摘得僧齋天正午芭蕉

陰處寫黃庭

四

伏天風雨近秋聲
午夜花牕月自橫
曉起山僧持扇到
爲題前句不書名

五

芭蕉新綠間梧桐
深樹層牆礙晚風
開却園門橋上步
花陰交付月明中

六

數板橫橋十畝塘芙蓉綠岸接垂楊西來晚照東風細月色
蟬聲一氣香

七

鳴蜩噤噤蟋蟀啾啾漸次西風火欲流樹上無花盆內放海棠
春色不如秋

八

涼陰習習木香棚獨掃琴瓢赤脚僧偷菓鄰兒還贈菓呼他
鋤草作花塍

九

秋池葉翠小如錢一半青莎一半蓮
趺坐橋陰題晚炤花西樓上撥三絃

十

葡萄井畔綠茵稠今夕梧桐始墜秋
何處胡琴明月裏山歌北調似徐州
是歲七月初九日立秋

十一

投荒何事又人間一苑青桐戶不關
欲謝主人供養意常留

明月在空山

書平陸橋齋中兼酬張巫峯翔九岫嵐兄弟

短筇扶向陸橋西
負郭荒田草帶泥
豪飲不知松影暮
歸林宿鳥數聲啼

二

游女蹣跚泊水濱
迎風無賴坐林茵
燒茶僧子樓間坐
相視無言何處人

三

欲過鄢陵看牡丹一行垂柳惜春殘東風吹落花無數空使
游人馬上看

四

年年客路看春燈不解登山第幾層遇著子春旗鼓在相當
須得酒三升

五

牡丹零落夏初時芍藥將開尚未粧不問何花須借酒臨風
折得兩三枝

六

江湖萬里一青萍何處高山不可行
必使前途皆遂意步兵車上早吞聲

七

朝朝行路幾曾難過後居停回首看
一夜驪駒歌不盡籬東早是菊花寒

八

花開花謝牡丹歸芍藥欄前放紫薇
無數芳香分不出野蜂

隨處着人衣

九

勻勻野色不耕田一曲黃河帶潁川可惜巢由輕擲去教人
多費買山錢

十

一肩琴史任蕭蕭雨後鞭驢不上橋走到君家須痛醉鷄鳴
猶自唱離騷

春夜飲張國昌藥肆

自本山人言
或爲江石或山松長嘯烟雲百萬重曾到華峯仙掌上春初
冰瘦結芙蓉

二

十載江湖未有涯梅花旣醉醉桃花烟雲隨處纏綿好難道
桐丘不是家

三

將欲悲歌不忍歌滿天花影醉如何鄉書寫就無人寄
南來雁字多

題編容和尚手卷兼示佛波

在通許城北

一榻蒲團兩脚泥
龐家居士不山棲
瀧瀧流水無心緒
纔報花開雁已啼

送王半石之臨潁署篆

閒隨暑雨問桑麻
鶴舞棠村日影斜
一箇寇君人共借
中州無縣不栽花

虞城冬夜與吳仲選王鱗書諸子集飲卽事

隆冬節候小寒催
朔午風高凍未開
何得故人餽酒送
金蓮

花插滿瓶來

二

南譙漏斷屢挑燈
煖酒纔斟便結冰
座上逃禪三五個
樽前賸得白鬚僧

城武李奇生言臘月接牡丹遂吟之

雲亭水繞望兼葭
古柏環牆文彩斜
忽有人來談雅課
窮冬接活牡丹花

二

桃杖絨衣萬里迴寒天獨立壽峯台臨行不卽飄然去把酒
京城看臘梅

乙卯十二月末旬立春余從西莊入飛雲橋觀之無所
謂春色也江西夏仲文吳門丘綬宣新安江徵呂及
吾沛張抱珍王茂之鄭天序王子厚諸子集飲卽事
一首

巉岩踣碎幾千層苦守西林一盞燈不料歌風人散去君來
擊筑惱山僧

白奪山人詩目錄 卷九

五言排律

賦得秋色有佳興次沈繹堂原韻

丹陽舟次

黃州送余司理北上

廬山送吳弘嗣之南昌

聞中松花泉分得泉字與楊藩司沈司李同賦

從大佛岩入讀書洞徧游聞中諸峯

七言排律

卷十

猗氏與王似鶴次光威哀韻

白奪山人詩

五言排律

古沛閻爾梅古古氏著

賦得秋色有佳興次沈繹堂原韻

幽居無所事人意與秋閒
石潤一天雨雲藏諸色山
魚鴈環水際菊虎膩花間
籬缺蕉爲補園荒竹自開
桔槔連井動襍穢帶犁還
試譜瀟湘山毋凋蕙茝顏

丹陽舟次

江南堤意古不復似淮南
密草金坊固溪崖竹索單
秧歌綠

岸唱松語帶村涵峯靜雲吹綠天空水浴藍潮沙猶漾海飛
藹欲藏庵鳥或啼花港魚時賣笋籃幽奇隨所遇曲折繪烟
嵐

黃州送余司理北上

歲歲歌千役筇條挂笏簞登山窮穴嶼註水考源瀾百瀆渟
雙掬千峯蹋一丸悠然惟草履或者亦蒲團鑿蜀雲爲棧封
蒿土用乾西接嶠冢玉東下荻洲灘竿幻仙郎失犀燒水族
殘玄鼉沙上曝白雉雪中攢賞畫嘲蛇足譚經忌馬肝漁烟

江岫綠曙色海門丹五日爲期爽三閭下榻寒美人吟折柳
騷士賦紉蘭便道河南驛重加潞北餐芡棠君子愛騎竹小
兒驪盞染金龜綬萸醅玉豸顰平反嘉漢吏卓異紀虞官鬼
神驚賈誼鹽鐵拜桓寬笑我耽丘壑逢君借羽翰豺狼當道
甚杵臼定交懽瓦鉢分禪磬蘆簑隱釣竿各從其志太勿恨
別漫漫

廬山送吳弘嗣之南昌

諱承中

鴻飛難得侶歲莫各他鄉蠟火生寒淚綈袍束夜裝早梅前

路發晚菊過時藏。奎見天文紫鍾調。月令黃水盤魚凍。脆銅
甲海螯香溢浦。琵琶散船峯瀑布涼。二孤雙引權五老共牽
檣。望氣投星渚。分風渡石梁。西山千岫雪。南蠡一湖霜。問字
疑窺豹。傳經喜跪羊。鹿門隣鬼谷。蛟井祀仙郎。春色行將獻
窮途去。莫傷雲霞吐。滄海牛斗接。干將爲我儲。雞黍相期醉
豫章

閒中松花泉分得泉字與楊藩司沈司李同賦

竺閣卷霜烟。金湫渺石谿。廣深纔尺寸。空色已人天。近左灘

聲汪當中塔影懸松根環岸繡花蒂逐苔穿似寂音常沾無
停味迺鮮樓臺澄月小沆瀣走珠圓戒地蚪蠅淨晴霄斗漢
凝慧投龍樹鉢廉郤鹿門錢南陸冰藏室西江口吸禪應超
風火劫不共燹涪潏膏沐開三峽芳香絕四川無之非玉露
何用鑄銅仙星海源如是桃溪路隱然予維方外客結此閨
中緣眺覽何妨碎幽奇正在偏險踪人所恠僻事我能賤矧
此嘉陵道從來勝蹟傳但聞稱旨水誰解續名泉爾雅蒐難
備弘農註未全桑經疑漏簡蜀賦竟遺編釋子臨厨汲居停

載酒延冬隆梅萼放春近柳光妍候日立枵次調鍾大呂前
既尋張鹿竹兼社遠公蓮柏殿評書畫寶歌代管絃溜澠須
異攷涇渭豈同詮冷待文饒品茶邀陸羽煎磨厓題綠字依
草布青氍溟渤分風渡滄浪鼓枻旋催詩畱古剎補史自今
年

從大佛岩入讀書洞徧游聞中諸峯

金碧琢崔嵬莊嚴俯絕陔山岩居震旦石像儼如來蘆荻苞
如竹藤蘿綰似臺蜂房重樸散蟻穴架樓臺碑泐桓侯篆詩

衙杜老杯幽村孤犬吠野火蟄山灰翁仲衣紋隱浮圖級影
鬼入棚搜斷碣登頂望離堆船疾橈衝雪灘高磧響雷寒洲
明鷺羽暖渚孕蜋胎

白奉山人詩 七言排律

古沛閣爾梅古古氏

猗氏與王似鶴次光威哀韻

光威哀晚唐麗人三名也姊妹少孤而始妍聯句十

有二韻事

見數苑

飛花暗數春將九束楚微陰粲者三琢就金鴛鳴玉屨纒勻
火鼠織冰衫榆錢窈窕風輕打杏萼蕨蕤雪半銜每羨緹榮
猶是女如聞絡秀豈非男蘿村日莫紗光隱紈扇秋高月影
慚乍出蜂奴環藥曝重歸燕子對巢喃薔薇露結銅僊掌芍

藥纓綵木客簪曲閣烟巒隨筆畫
深閨笑語視人含羅浮雖
夢歌還記洛水河神事未諳
小賦不從文士購來生私向總
持叅琵琶拍絕餘音苦橄欖香
迴別味甘霧縠雲綃題峴北
竹枝桃葉比江南

二

明媚春光難得再支離月令又交三
研脂活照雙奩鏡襯相
私裁並蒂衫墨竹尾穠山雀墜瓜
棠鬢嫩土蜂銜通靈自計
隨仙母破老羞云飾美男我見猶
憐何況爾心知不逮故須

漸落花如雨簾前綴飛鳥依人掌上喃結綠串成貓眼髻回
青燒作鳳頭簪彫欄設色芙蓉映繡被沉香荳蔻含蕊執房
中都未奏絲聯冰下幾曾諸天孫錦杼鴛鴦舞帝子雲旂馭
駟參愛惜芳年應共賞尋思薄命且同甘休歌玉樹傳江左
早洗鉛華奉海南

三

相傳桺絮啞無兩載譜梅花弄有三應節鷓鴣啼曉樹迎香
蛺蝶撲春衫觴流素羽青鸞遞梁落新泥紫燕銜錦繡東歸

虛奉使木蘭西去偶裝男
管麻色改甄嬈怨環珮聲低尹婕
慚永晝烟隨紗幔裊晴牕
鳥作土音喃圖書比客先投刺姊
妹如朋共盍簪繡罷偷閒生比興
吹來合拍恃包含十年不
字無心付一往難明就裏諳
方勝摺殘尋自折迴文工絕待
誰忝闌刪金粉朱成碧咀嚼
宮商苦漸甘莫褻寶琴彈濮上
還操靈瑟鼓湘南

白奎山人集序

魯仲運以東海布衣不帝虎狼秦
折新垣衍而扼其吭其奇偉倣儻
之氣高視一世而棄所詘獨鄆城
一矢奪人之守以下齊於大義稍
不合然其書與燕將者尚傳之至

今嗟呼豈非以其人哉夫八苟高
視一世文章雖詭於義被乎其後
而猶不泯滅况身負奇偉傲儻之
氣而又能卓犖善持論則其詞之
必傳於世也當何如哉始吾遇白
雲山人粗識其崖略或謂是空言

幾盡實耳迨徐觀所爲蹈東諸集
然以知山人非空言喪事實者歲
在甲申生民促數耗矣是嘗河北
諸路未有所屬而其間雄駿魁矯
自異之士莫不弼弓砥鏃南望機
膺願爲國家出死力并疆圉山人

于是起彭城拏舟南渡慷慨叩幕
府抵掌畫策旦夕提一旅北向收
召豪傑繫諸路人心幕府心才其
言顧唯唯師期爽日山人知策不
果用則又請空名告身數百紙乘
時適往視忠義爲鼓勵俾逋寇叛


節衣得以踰昔渙穀少有睥睨兩
者計俱不行山人旋引去徘徊海
濱而事已大壞不可爲矣顧是時
名延攬者競欲爭致山人以爲隱
然一敵國鴻冥不可弋又倚齒圖
必殺之齟齬數季竟脫於難山人

既鬱鬱不志得遂放浪賦遠遊由
北山川之雄渢古帝王都會之環
瑋意所薄射輒擊節悲歌獨恥作
聊城書其詞率軌於大義而山人
亦自謂必傳於後以視魯連直過
之耳抑吾有疑焉連折衝謀後十

五季而始皇稱帝使連果前死則
連易矣連未前死而蹈海以死此
何等事史乃失書吾意其必飛遞
遠引終身海上而卒不聞始皇以
前此之故必欲羅致就被戎索然
則秦法猶寬也山人以爲何如

重允赤奮若之余月廬山季
弟黃雲師具幷

癸巳正月十二日姑蘇玄妙觀中舊碑所收黃雲記



修

古逸題辭

昔仲尼之刪詩也肇自關雎終於殷武虞夏以上無聞焉蓋世遠文湮金石剝泐不足成篇什也郭茂倩樂府原始西京古初歌謠散佚者亦復闕然馮汝言詩紀梅禹金古樂苑追邇旁蒐凡歌謠引誦暢操箴銘諺語殘章隻句悉以古逸詩名之刻諸本集之前可謂閎覽博物者矣余謂古初歌謠散佚篇什亦當

時有心人從閒冷中爲其聞見性情且世代復與庖
琴媧笙咸池大章之樂先後傳流是真詩三百之星
宿海也豈得一槩置之因采其有裨風教者雜詠之
斷制咨嗟藉題寄賞不徒仿其體擬其辭也列之卷
首用資興觀

白奪山人識